



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

Na osnovu člana 70. i člana 88. Zakona o javnim nabavkama („Sl. glasnik BiH“, broj: 39/14 i 59722), člana 27. Pravila Javne ustanove za predškolski odgoj i obrazovanje „Naše dijete“ Tuzla, a na prijedlog Komisije za javne nabavke, direktor Ustanove donio je sljedeću

ODLUKU

o izboru najpovoljnijeg ponuđača

I

Kao najpovoljniji ponuđač u postupku nabavke proizvoda za čišćenje za potrebe JU „Naše dijete“ Tuzla, provedenog putem konkurentskog zahtjeva za dostavljanje ponuda, izabran je „Company-Dis“ d.o.o. Tuzla

II

Zadužuje se stručni saradnik za poslove javnih nabavki da obavijesti sve ponuđače o izboru najpovoljnijeg ponuđača iz člana I ove odluke.

III

Zadužuje se Služba za pravne, kadrovske i opće poslove da pripremi sve preduslove za zaključenje okvirnog sporazuma s izabranim ponuđačem po proteku predviđenih zakonskih rokova i procedura.

IV

Vrijednost ove nabavke iznosi 23.770,45 KM bez PDV-a i ista se uklapa u procijenjenu vrijednost nabavke iz Plana nabavki za 2023. godinu br. 01-11-5-1/23, šifra JRJN 39830000-9.

V

Odluka stupa na snagu danom donošenja.

OBRAZLOŽENJE

Na osnovu Zahtjeva za pokretanje postupka javne nabavke br. 01-11-953-2/2023, direktor Ustanove je donio Odluku o pokretanju postupka nabavke po konkurentskom zahtjevu za dostavljanje ponuda br. 01-11-953-3/2023 od 16.03.2023. godine. Postupak je objavljen na Portalu javnih nabavki BiH broj obavještenja 1194-7-1-23-3-11/23 od 17.03.2023. godine. Predmetnu tendersku dokumentaciju u sistemu „E-nabavke“ je preuzelo 18 (osamnaest) privrednih subjekata.

Nakon prijema ponuda, Komisija za provođenje postupka javnih nabavki, imenovana Rješenjem br. 01-11-974-/2023 od 20.03.2023. godine, konstatovala je da je ponudu predalo 4 (četiri) ponuđača: „Pčelica M“, d.o.o. Tuzla br. protokola: 01-11-1077-1/23, „Alfadivit“ d.o.o. Živinice br. protokola: 01-11-1079-1/23, „Company Dis“ d.o.o. Tuzla br. protokola: 01-11-1080-1/23 i „Inter-com“ d.o.o. Zenica br. protokola: 01-11-1082-1/23.

U skladu sa članom 5. stav (2) i članom 8. Pravilnika o uspostavljanju i radu Komisije za nabavke („Službeni glasnik BiH“, broj 103/14), Komisija je izvršila ocjenu i odabir najpovoljnije ponude te sačinila Zapisnik o pregledu i ocjeni ponuda sa detaljnim obrazloženjem odabira.

Na zatvorenom sastanku, Komisija je izvršila otvaranje, pregled i ocjenu primljenih ponuda i utvrdila sljedeće:



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

- u ponudi ponuđača „Pčelica M“ d.o.o. Tuzla je uočena računska greška, te se Komisija obratila ponuđaču sa Zahtjevom za prihvatanje računске greške br. 01-11-953-8/2023. Komisija je uočena je sljedeću grešku: U redu „Iznos PDV-a“ stoji iznos **4.971,08** a treba da stoji iznos **4.971,09**. Takođe, u redu „Sveukupna cijena sa PDV-om“ stoji iznos **34.212,78** treba da bude **34.212,79**“. Ponuđač je prihvatio računsku grešku, te učinio ispravku, dostavljajući Odgovorna zahtjev br. 01-11-953-9/23 uz priloženi novi obrazac Anexa 3 – Obrazac za cijenu ponude.

- **ponuda ponuđača „Alfadivit“ d.o.o. Živinice je ocijenjena neprihvatljivom** iz razloga što nisu zadovoljeni kvalifikacioni uslovi. Naime, ponuđač je u svrhu ispunjavanja i dokazivanja tehničke i profesionalne sposobnosti dostavio sljedeće:

1. Spisak izvršenih ugovora, broj: 68-03-3/23 od 22.3.2023.
2. Potvrda o urednom izvršenju ugovora br. 04-1853/23 od 21.03.2023.
3. Potvrda o urednom izvršenju ugovora br. 04-5135-1/22 od 18.08.2023. (ovjera nadležnog organa 6019/23 od 23.03.2023.)

Potvrda navedenu pod rednim brojem **3. (Potvrda o urednom izvršenju ugovora br. 04-5135-1/22 od 18.08.2023. - ovjera nadležnog organa 6019/23 od 23.03.2023.)** se ne nalazi na spisku izvršenih ugovora, a prema tenderskoj dokumentaciji br. 01-11-953-3/2023, tačka 3.3.2. Dokazi koje ponuđač mora dostaviti, nedvosmisleno i jasno je istaknuto da „realizovan ugovor na potvrđi se mora naći i na spisku izvršenih ugovora“.

Na dostavljenoj potvrđi br. 04-5135-1/22 od 18.08.2023. (ovjera nadležnog organa 6019/23 od 23.03.2023.), također su nejasni navodi o urednom izvršenju ugovora, gdje stoji: „Alfadivit“ d.o.o. Živinice je ugovor o nabavci **kancelarijskog materijala** realizovao uredno, kvalitetno i stručno, u skladu sa našim zahtjevima i zakonskim propisima. Prema tenderskoj dokumentaciji br. 01-11-953-3/2023, potvrde moraju biti u vezi s predmetnom nabavkom - **nabavka proizvoda za čišćenje**.

Zbog svega navedenog, Komisija za javne nabavke je ponudu ponuđača „Alfadivit“ d.o.o. Živinice ocijenila neprihvatljivom i ista je odbačena u skladu sa članom 68. stav (1) tačka i) Zakona o javnim nabavkama BiH.

-Ponude ostalih ponuđača ispunjavaju uslove tražene tenderskom dokumentacijom i iste su ocijenjene prihvatljivim.

- U tenderskoj dokumentaciji je predviđeno provođenje e-aukcije, u skladu sa Pravilnikom o uslovima i načinu korištenja e-aukcije („Sl. list BiH“ broj 66/16 od 06.09.2016. godine), a planirana e-aukcija za ponuđače koji su ispunili tražene uslove zakazana je za dan 31.03.2023. godine. E-aukcija je započela u 09:00 i trajala do 09:32 sati. Aktivno učešće u e-aukciji su uzela sva tri privredna subjekta, „Pčelica M“ d.o.o. Tuzla, „Company Dis“ d.o.o. Tuzla i „Inter-com“ d.o.o. Zenica, a nakon završene e-aukcije najpovoljnija ponuda je ostvarena u iznosu od 23.770,45 KM bez PDV-a. U tom smislu prilažemo tabelarni prikaz prihvatljivih ponuda:



UKUPNA OCJENA PONUDA

REDNI BROJ	NAZIV PONUĐAČA	UKUPAN IZNOS PONUDE BEZ PDV-a PRIJE E-AUKCIJE	IZNOS PONUDE BEZ PDV-a POSLIJE PROVEDENE E-AUKCIJE	KONAČNA RANG LISTA PONUDA
1.	„Company-Dis“ d.o.o. Tuzla	32.785,45 KM	23.770,45	1
2.	„Inter-com“ d.o.o. Zenica	32.507,00 KM	23.800,00	2
3.	„Pčelica M“ d.o.o. Tuzla	29.241,70 KM	25.400,00	3

U skladu sa naprijed navedenim, primjenjujući kriterij najniže cijene zadovoljavajuće ponude, u skladu sa članom 64. stav (1) tačka b) Zakona o javnim nabavkama BiH, Komisija je zaključila da je ponuđač „Company-Dis“ d.o.o. Zenica dostavio najpovoljniju ponudu, te uvažavajući planirana sredstva, Komisija je predložila da se, po proteku zakonskih rokova i procedura, ide na zaključivanje okvirnog sporazuma sa istim, u skladu sa članom 72. Zakona o javnim nabavkama BiH.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“ broj 39/14 i 59/22), podzakonskim aktima i tenderskom dokumentacijom. Shodno tome, ugovorni organ je konstatovao da najpovoljniji ponuđač ispunjava uslove i da se ponuda uklapa u finansijska sredstva predviđena za ovu nabavku, te je iz tih razloga odlučeno kao u dispozitivu.

Pouka o pravnom lijeku:

Protiv ove Odluke može se uložiti žalba Uredu za razmatranje žalbi putem ugovornog organa, u roku od 5 dana od dana prijema i ista se podnosi pismeno putem pošte ili direktno na protokol Ustanove u objektu „Pčelica“ u Tuzli, ul. Krečanska 3. Ponuđač je dužan dostaviti žalbu u dovoljnom broju primjerka.

DOSTAVLJENO:

1. Ponuđačima
2. Spis
3. A/a



DIREKTOR

Karić Sanja, dipl. iur /

Broj: 01-11-953-12/2023
Tuzla, 31.03.2023. godine